

鮎

埼

亭

集

魚琦亭集目錄

鄞 全祖望紹衣謨 餘姚史夢蛟竹房校

卷首

世談

二譜

卷一

頌

聖清戎樂詞一十六篇

三后聖德詩一十二篇

蕃部樂詞五篇

諸曲七篇

卷二

賦一

皇輿圖賦有序

國書賦有序

五六天地之中合賦有序跋

卷三

賦二

函子監石鼓賦有序跋

哈爾瓜賦有序

淡巴菰賦有序

葛仙米賦有序

鮫鬚賦有序跋

十二雷茶竈賦有序

金峩山晚楊梅賦有序

卷四

語

湖語

卷三

辭

別源九曲辭有序跋

射龍將軍揚波辭

海若白事小史解嘲

卷六

碑銘一

明四川道御史再贈都察院右副都御史諡忠

貞今諡恭潔陳公神道碑銘

明直隸寧國知府玉塵錢公神道表

卷七

碑銘二

明故兵部尚書兼東閣大學士贈太保吏部尚書諡忠介錢公神道第二碑銘

卷八

碑銘三

明兵部給事中董公神道表

明錦衣徐公墓柱銘

明處士四岑張先生墓幢文

明建寧兵備道僉事鄞倪公墳版文

明翰林院簡討兼兵科給事中箕仲錢公些詞
明故張侍御哀詞

明管江杜秀才寔石志

雪峯山人墳版文

卷六

碑銘四

明故權兵部尚書兼翰林院侍講學士鄭張公

神道碑銘

卷十

碑銘五

明太傅吏部尚書文淵閣大學士華亭張公神

道碑銘

明太傅大學士張公神道碑側記

卷十一

梨洲先生神道碑文

碑銘六

卷十二

亭林先生神道表

碑銘七

二曲先生室石文

應河齋先生神道碑

卷十三

碑銘八

沈華甸先生墓碣銘

蜃園先生神道表

鷓鴣先生神道表

施石農先生墓志銘

祁六公子墓碣銘

卷十四

碑銘九

一條陸先生墓表

忍辱道人些詞

明故兵部員外郎葉菴高公墓石表

李駕部墓志銘

天多老人墓石志

錢東廬徵君墓表

卷十五

碑銘十

太子少保兵部尚書兼都察院右都御史總督
福建世襲輕車都尉會稽姚公神道第二碑

卷十六

碑銘十一

翰林院編修湛園姜先生墓表

大理梅廬陳公神道碑銘

提督貴州學政翰林院編修九沙萬公神道碑

銘

南嶽和尚退翁第二碑

卷十七

碑銘十二

前侍郎桐城方公神道碑銘

翰林院編修學士長洲何公墓碑銘

閣學臨川李公神道碑銘

卷十八

碑銘十三

工部尚書仁和趙公神道碑銘

刑部侍郎管禮部侍郎事坦齋王公神道碑銘

故甘撫復翁胡公墓碑銘

翰林院學士南昌萬公墓碑銘

鄭侍讀篋谷先生墓碑銘

吏部侍郎兼翰林院掌院學士巡撫江蘇邵公

神道碑銘

太常晚聞陶公神道碑銘

卷十九

碑銘十四

鄭芷畦室石志

周穆門墓志銘

沈東甫墓志銘

前古泉令明水龔君墓志銘

杭州海防草塘通判辛浦鮑君墓志銘

趙谷林誄

右贊善峯山宋君墓志銘

卷二十

碑銘十五

王立甫壙志銘

姚慧田壙志銘

沈異堂墓版文

廔樊榭墓碣銘

張南漪墓志銘

萬循初墓志銘

河南禹州牧藥齋施君墓志銘

方定思墓志銘

陸茶塢墓志銘

卷二十一

碑銘十六

五嶽遊人穿中柱文

知平涼府蔣公墓表

李東門墓表

陳丈孔塘壙志銘

黃次歐先生墓版文

陳裕齋先生墓版文

翰林蓼厓蔣先生穿中柱文

端孝李先生窆石銘

知永昌府董公墓表

卷二十二

碑銘十七

磁州牧西郭萬君墓表

黃丈肖堂墓志

郭芥子墓志銘

陳南臯墓志銘

史雪汀墓版文

尚書職方郎陳公墓碣銘

錢芍庭誄

陳卜年志

李次行墓版文

范沖一穿中柱文

非兒埋銘

卷二十三

碑銘十八

賀公逸老堂碑銘

遐追山二廟碑

景迂先生船場祠堂碑銘

陳忠肅公祠堂碑銘

碧溪魏文節公祠堂碑銘

大愚呂忠公祠堂碑銘

蔣金紫園廟碑

宋忠臣袁公祠堂碑銘

觀察半湖陳公祠堂第二碑銘

象山姜忠肅公祠堂碑文

卷二十四

碑銘十九

明太保倪文正公祠堂碑銘

子劉子祠堂配享碑

舟山宮井碑文

黃太傅廟碑陰

碧沚龍神廟碑銘

宋蘭亭石柱銘

寧波府儒學進士題名碑

卷二十五

行狀一

工科給事中翰林院編修濟寰曹公行狀

通判知山東堂邑縣事張府君行狀

卷二十六

行狀二

明浙撫右僉都御史前分巡寧紹台道金壇于

公事略

明太常寺卿晉秩右副都御史蘭菴林公逸事

狀

陽曲傅先生事略

陸麗京先生事略

邵得魯先生事略

姚敬恒先生事略

明遜督熊襄愍公軼事略

卷二十七

傳一

莊太常傳

周思南傳

陳光祿傳

沈太僕傳

貞愍李先生傳

周監軍傳

毛戶部傳

周布衣傳

卷二十八

陸桴亭先生傳

萬貞文先生傳

劉繼莊傳

蓬萊王孝子傳

董永昌傳

卷二十九

論一

傳二

孫武子論

平原君論

四皓論

揚劉優劣論

龔壯論

帝在房州史法論

李克用論

楊文公論

陳同甫論

明莊烈帝論

莊定山論

卷三十

記

浦陽江記

東萊大小沽河記

宋樞密蔣文穆公端硯記

宋婺女倅廳舊本記

有跋

明孝宗御筵記

先侍郎府君生辰記

錢忠介公降神記

錢忠介公畫像記

蕺山相韓舊塾記

澗上徐先生祠堂記

訪寒厓草堂記

卷三十一

序一

古文篆韻題詞

永嘉張氏古禮序

程氏春秋分記序

靜遠閣周禮解序

漢隸字源校本序

北窗炙輠題詞

明故太僕思菴沈公詩集序

姜貞文先生集序

西漢節義傳題詞

梨洲先生思舊錄序

卷三十二

序二

錢侍御東村集序

董高士曉山墨陽集序

愛日堂吟藁序

寶瓠集序

修川小集題詞

鴛脰山房詩集序

藁書樓書目序

愚山施先生譜序

贈趙東潛校水經序

浮山大禹廟山海經塑像詩序

贈錢公子二池展墓入閩中序

卷三十三

冬青義士祠祭議與紹守杜君

冬青義士祠祭議二與紹守杜君

冬青義士祠祭議三與紹守杜君

議

爲明故相膠州高公立祠議與紹守杜君

阿育王寺爲藥菴居士立祠議與住持晚菴

錢忠介公夫人忌日議

考正府主廣靈廟議

廢奉化縣靈昌廟議示奉化令

大滌山房祀石齋先生議與杭守杜君

改正成化祠祀典議示定海令

卷三十四

簡帖

移詰寧守魏某帖子

心喪劄子荅鄞令

論適孫嗣統帖子荅姚蕙田

奉荅臨川先生序三陽學統源流札子

金史第三帖子與堇浦

辨吾家啟東墓志世系與厲樊榭

董徵君祠堂志帖子荅鈍軒

寄謝副使石林札

荅樊榭

荅山陰令舒樹田水道札

水經礫溪帖子東慎甫

與同館某君札

卷三十五

雜著

辨大夫種非鄞產

辨錢尚書爭孟子事

公棠辨

漢會稽三都尉分部錄

昆明池考

廣德湖田租考

知廣西府楊公傳糾繆

節愍趙先生傳糾繆

記范孝子事

記李烈婦事

周楚堂事辨誣

記馬惟興語

凱風說示李桐

戡黎說蒼東潛

天妃廟說

詞科緣起

喪主喪孤辨

姑姊妹夫喪主辨

釋堇

說解

卷三十六

題跋一

先太保唐公告身跋

先太師越王公告身跋

先太師徐公告身跋

先觀察告身跋

先太師申王公告身跋

先少師周公告身跋

先太師和王公告身跋

先少師節度使告身跋

先太府承宣告身跋

先太尉參政告身跋

族祖息耘先生詩卷跋

族祖眞志先生墓石本跋

再跋眞志先生志石

三跋眞志先生墓石

先司空公女墓石跋

先簡討公告身跋

先司空公諭祭章跋

先宗伯公諭祭章跋

卷三十七

題跋二

宋榻石鼓文跋

漢蕩陰令張遷碑跋

漢司隸魯峻碑跋

漢崑陽令尹宙碑跋

漢北海相任城景君碑跋

漢史晨祠孔廟奉銘碑跋

漢史晨饗孔廟後碑跋

漢孔廟置百石卒史孔龢碑跋

漢韓勅孔廟二碑跋

漢酸棗令劉熊碑跋

漢郎中鄭固碑跋

漢淳于長夏承碑跋

漢西嶽華山碑跋

漢泰山都尉孔廟碑跋

漢執金吾丞武榮碑跋

漢宗氏故吏處士碑陰名跋

漢故園令趙君碑跋

漢魯靈光殿釣魚池甃跋

魏公卿上尊號碑跋

魏修孔廟碑跋

晉汲縣齊太公望表跋

魏孝文比干碑跋

魏重修中嶽廟碑跋

魏魯郡太守張猛龍碑跋

梁始興安成二王碑跋

東魏興和孔廟碑跋

北齊胡長仁重修郭巨碑跋

隋大業孔廟碑跋

唐貞觀孔廟碑跋

唐貞觀比干碑跋

唐貞觀晉祠碑跋

唐高宗明徵君碑跋

唐敬宗皇帝碑跋

唐昇仙太子碑跋

唐垂拱少林寺碑跋

唐太原王夫人碑跋

唐開元泰山摩崖榻本跋

唐涼國長公主碑跋

宋廣平神道碑跋

元次山墓碑跋

葉歙州神道碑跋

元次山陽華山體石銘跋

唐陽門橋亭碑跋

唐天寶嵩陽觀碑跋

唐晉獻武王北嶽廟題名碑跋

唐李代州墓碑跋

唐福州王審如碑跋

石晉奈何將軍碑跋

蜀廣政石經殘本跋

吳越重修闕忠懿王廟碑跋

楊吳尋陽長公主墓志跋

卷三十八

題跋三

宋重修嵩嶽中天王廟碑跋

宋重修大相國寺碑跋

南嶽夢英師說文偏傍字源跋

夢英師篆書千文碑跋

夢英十八體篆書碑跋

宋祥符天書摩崖石墨跋

韓魏公定州政績碑跋

韓魏公北嶽廟碑跋

歐公瀧岡阡表石本跋

鮮于侁靈巖寺詩石本跋

宋應天府虞城縣故迹碑跋

宋重摩唐儲潭廟祈雨碑跋

宋登封縣免拋科碑跋

宋大觀御製五體碑跋

宋龍虎山門道正王道堅牒跋

樓楚公三十六峯賦石碑跋

建中靖國少林寺瑞芝圖跋

二蔡達摩石墨跋

大觀御製八行碑文跋

游景叔墓志跋

游景叔昭陵圖跋

宋元祐黨籍碑跋

劉凝之墓記跋

司馬溫公光州祠堂碑跋

賀祕監逸老堂碑跋

逸老堂碑跋二

開慶己未勅書跋

樓氏畫錦堂碑跋

攝山游默齋題名跋

浙州白龍洞題名跋

黨承旨普照寺碑跋

黨承旨杏壇二大字跋

雪庭西舍記跋

金沙門福迎墓志跋

程少中墓碑跋

元重修太一廣福萬壽宮碑跋

元刻司馬溫公投壺圖跋

揭文安公天一池記跋

元大德孔廟碑跋

元哈討不花祭祀莊田碑跋

慶元路學宮碑跋

石鼓文音訓碑跋

元皇姊魯國長公主文廟金博山鑪碑跋

王秋澗神道碑跋

萬氏永思堂石刻跋

明宗室清陽子消寒九九圖跋

棟塘李翁石刻家傳跋

陳后岡題名跋

慈元全節廟碑跋

明開封府學石經碑贊跋

林泉雅會圖跋一

林泉雅會圖跋二

林泉雅會圖跋三

謝山先生鮎埼亭集嘉慶癸亥八月夢蛟在杭州
紫陽書院從沈松門大令得之松門得之杭堇浦
編修云是謝山手定本間綴評點乃堇浦筆也校
先生文集者高弟董小鈍蔣榜菴小鈍譔年譜言

先生臨歿以集五十卷寄揚州馬氏叢書樓後歸
堇浦索之不可得見又言先生集共一百二十卷
自四十卷至四十九卷爲經史問荅是本雖出杭
氏然止三十八卷合之經史問荅以較五十卷已
闕二卷先生尚有外集五十卷詩集十卷統計亦
不足百二十卷之數疑傳鈔多所佚闕松門遠歸
道山不能問其詳也先生文久繫寓內企望是本
出自手定尤可寶貴急付剞劂並購得經史問荅
板合印以廣其傳中有蠹簡脫字悉仍其舊不敢
妄補他日訪得樗菴校本當覆加審定外集詩集

力未能刊是所望於同志者嘉慶甲子十一月朔
日餘姚後學史夢蛟謹識

鮎埼亭集目錄終

全氏世譜

餘姚史夢蛟竹房校

全氏出自周官泉府之後以官爲氏其後以同音通于全據國語隗姓之分亦有潞洛泉余滿五氏然全氏之所出非隗也或曰全之本姓爲王漢元后之族屬以避新都之亂易姓如輔果或曰殷王高宗之後爲全二說皆無據全氏之著名於舊史者自東漢桂陽太守柔始其子大司馬錢唐侯琮以勛伐起孫吳尚主於是江左戚里莫如全氏大司馬兄子衛將軍永平侯尚以王舅諸子鎮北將軍都亭侯緒以東關破魏功臨湘侯懌以

龔父業都鄉侯吳以國甥其餘如端如翮如緝如靖如
禕如儀如紀如熙皆以侍郎都尉典兵宿衛旣而孫琳
擅政壽春失援臨湘與諸弟請子入魏永平誅權臣不
克遇禍全氏始衰至劉宋而光祿大夫孝寧侯景文繼
之至陳而水部郎援繼之孝寧以前多用功業起家水
部始以經術爲易詩宗臨湘之入魏也諸弟子皆封爵
故河北全氏不下江左其後高齊有黃門侍郎元起唐
末有雄武節度使中書令師朗王蜀之勛臣也又有金
州防禦使師郁仕孟氏世爲商洛豪宗今全氏舊譜指
北史諸泉泉全父子爲臨湘之後謂其改姓不知全氏之由

泉而改非泉氏之由全也入宋而商洛之族阻兵被夷而江左全氏復盛太平興國中有諱權者累官侍御史知青州以母憂不出奉其父由錢唐遷居鄞之桓谿則謝山先生之始祖也上溯桂陽其世二十有七侍御生二子長鼎次俎而鼎爲明州學錄故侍御來鄞其卒也葬于谿上之沙渚其時侍御弟興亦遷越之東浦無子以俎爲後越六世爲宋理宗之母家追封曾祖以下則有若太保唐公安民唐公子爲太傅越王份越王子爲太師申王大中太師徐公大節徐公卽宋史所稱保長者也申王子爲太師和王昭孫是爲度宗元舅徐公子

爲少傅節度使周公純夫少師節度使清夫和王子爲太尉參政元堅周公子爲太府卿槐卿而福王之妃亦出於全方理宗之潛龍也學于余魯公天錫之家因訪外氏于谿上嘗飲食焉旣而卽位推恩並賜官爵而桓谿諸全不欲攀外戚之寵以邀恩澤相約不出朝議高之乃選其中二人曰汝梅汝霖尚縣主而爲樹雙闕于硤上顏之曰鵲巢以表焉是後桓谿族姓分爲八派曰前宅後宅東宅西宅中宅田宅皆侍御五世孫璿之後也曰南宅北宅皆侍御五世孫禮之後也其旣於今歷年八百有餘孫枝二十六葉而谿上之居未散代有顯

者吾鄉言世家未有若此之永者也而謝山之世則自
禮而下皆有名號生卒可按自政而下始得詳其行實
禮生宗顯宗顯生得信得信生昌世昌世生明五府君
明五府君生已一府君已一府君生惟一府君惟一府
君生南十二府君四世皆佚其名南十二府君生旻旻
生乾乾生倫倫生文瑜文瑜遷于城中之湖上上距遷
桓谿之世爲十六傳文瑜生政以篤學懿行稱人師起
家明經司教常熟以子侍郎元立貴封檢討侍郎則謝
山先生之六世祖也以碩德大節在永陵講筵已而以
不肯草西內青詞外遷陪都又以忤分宜相乞身侍郎

生和州同知少微以慈惠之政著南畿稱循吏和州生
應山知縣天授文學淵奧牽絲作吏未報最遽卒應山
伯子諱大和字介石號他山國子監生叔子諱大程字
襄孫號式公府學生他山府君無子以式公府君子爲
之後先生之王父也諱吾騏字聿青號北空他山兄弟
當明之季用錢忠介公薦一以大理寺左評事徵一以
太常寺博士徵俱不受丙戌以後甬甸東之人遠在天
末尚煩多士多方之訓成化最晚其在世祿家子弟尤
爲甚焉而全氏一日棄諸生籍者二十四人他山府君
議以東錢湖之童叟萬山荒僻人跡罕至欲避地焉時

北空府君年十六他山府君問曰汝能絕意人世乎北
空曰謹受命卽披野服隨二父入山一門共修沙社力
耕之餘清吟而已高武部隱學嘗嘆曰謝舉羽棄其子
行遜終身不相聞問鄭所南則無子未若全民之駢聚
也北空府君生贈公諱書字吟園以經術詩詞教授里
中最精考索重修全氏世譜山陰一支舊附見鄞譜中
贈公爲據宋史以正其官爵之譌謬舊譜稱始祖侍御
公之父仕周世宗朝官中書令贈公曰殆吳越宰相耶
十國板蕩中朝阻隔鮮有越國而仕者又稱侍御公出
青州爲同知贈公曰宋無同知州事之官蓋知州也萬

九沙太史嘗問曰孤山遜初子之詩在月泉吟社中于
先世遠近若何贈公曰此吾侍御十世孫也太師申王
大中之從子和王昭孫之兄太尉參政允堅之世父宋
亡後僑寓孤山結社以老者也蓋亦劉道原之流亞也
以先生貴贈如官謝山先生諱祖望字紹衣號謝山贈
公之仲子也贈公二子長祖謙生而慧甚四歲入家塾
一年卽能略通諸經章句蔣蓼厓先生嘆曰是聖童也
一日戲以小刀剪紙傷其指感風而病臨危於案上大
題鯉也死三字而破之曰聖人之不得有其子聖人之
不幸也時年六歲自侍御至先生爲世凡五十四云先

生文集手自編次命純繕寫甫畢而先生謝世純致書
錢唐杭堇浦先生求序其端且請作志狀堇浦以書來
命述先生世系純因述全氏世譜冠於集端昔胡助述
宋氏世譜以冠潛谿集萬斯大倣之述黃氏世譜以冠
南雷集今亦此例也門弟子董秉純敬述

年譜

餘姚史夢蛟竹房校

世系名字詳世譜

康熙四十四年乙酉正月初五日亥時先生生於鄞縣白壇里月湖之西岸先世宮詹公故宅

先生有兄祖謙慧甚六歲而殤太夫人哭之哀忽張目曰勿哀吾當再來補之後十年生先生亦慧甚故小字曰補又有傳先生爲錢忠介公轉生者其詳未之聞集中有五月十三舉子詩三首其第二首曰釋子語輪迴聞之輒加嘆有客妄附會謂我具宿根瓊

江老督相于我乃前身一笑妄應之燕說漫云云昨
聞正氣堂豫告將雛辰在我終弗信傳之頗驚人聊
以充談助用語湯餅賓按先生年三十九始得子昭
德方舉忠介後人苟庭先生入賀先生曰何知之神
也苟庭曰夜來寒家影堂中不知何人揚言曰謝山
得子可喜可喜故來訊耳亦一奇也

四十七年戊子先生四歲始就塾

太公吟園先生親課以四子書諸經便能粗解章句
吟園先生曰是子雖不逮其兄然亦可兒也

五十一年壬辰先生八歲

諸經之外兼讀通鑑通考諸書秋社過樓外極管弦
燈火之盛不一顧也

五十七年戊戌先生十四歲補博士弟子

從里中董次歐先生讀書三餘草堂張氏次歐先生
最持崖岸弟子無敢輒前者獨先生與爭論經史曰
此吾門俊人也惜吾老矣不及見其大成也始游庠
謁學宮至鄉賢名宦諸祠見謝太僕張軍門主曰此
反覆賣主之亂賊奈何汙宮牆也取捶碎之投諸頻
池

五十八年己亥先生十五歲

里中耆英多與先生談藝一日慈谿鄭南溪先生過
吟圃曰吾今日特訪陳羣而來

五十九年庚子先生十六歲始應鄉試

至行省以古文調查初白先生初白謂萬九沙先生
曰此劉原父之儔也

六十年辛丑先生十七歲

六十一年壬寅先生十八歲

先生有族母爲冰槎尚書女居黃巖是年返寧年八
十餘矣先生從之問遺事取姚江黃先生之志楊徵
士遜之紀吳農祥之傳參互質證多有補訂後卒成

尚書神道第二碑

雍正元年癸卯先生十九歲

先生嘗再登天一閣借書當始於是時又楊誠齋易傳鈔之天賜園謝氏草廬春秋纂言鈔之雲在樓陳氏皆在是年皆通志堂未刻之本世所希有者

二年甲辰先生二十歲

是年當娶前孺人張氏自昨年再過武林盡交樊榭
壘浦蕪林勾山谷林意林慧田立甫諸先生討論經
史證明掌故尊酒郵筒殆無虛日而簡帖題跋多不
署歲月不敢附會惟與樊榭論蘇若蘭回文詩札確

係此年

三年乙巳先生二十一歲

是年當在童臬授徒先是先生曾王父王父皆避兵
於是先生感之益參考舊聞成滄田錄

四年丙午先生二十二歲

是年有荆公鄴女志跋而古今通史年表大約作于
此時

五年丁未先生二十三歲

武威孫公詔來守寧訪士於萬九沙太史太史力推
先生孫公甚重之先生因上尊經閣祀典議及孫公

觀察三郡凡再上修南宋六陵及祠祭冬青義士帖
子其後修郡志孫公招先生入局辭之而總裁爲九
沙太史移書問遺事糾繆凡數十條先生詳荅之孫
公將薦先生于朝先生上書力辭因欲先生自署門
生先生自後遂不復往及孫公按察江西旋卒先生
感念高誼爲之諫今載集外

六年戊申先生二十四歲

督學交河王公將以賢良薦先生以兩尊人年高獨
子鮮侍養者上書辭之其後有司以萬先生承勳應
先生於萬先生中表後輩也先生以名不易副頗有

規切萬先生曰後於吾而生先乎吾而聞道者子也
○夏患齒痛張孺人以先生性伉直多因事相規笑
曰是雌黃人物之報也先生賦詩解嘲是年得高隱
學先生雪交亭集於陸氏

七年己酉先生二十五歲充選貢

王公以先生充貢先生又辭王公不許太夫人曰歐
陽詹求有得而歸以爲親榮夫但言有得尚不過世
俗之榮倘能有得而又有聞焉是則吾所望於汝也
汝其行矣遂以明年春治裝北上

八年庚戌先生二十六歲入京

春北上時新例許赴選人之籍入對

闕下先生但投牒成均而已山東學使羅竹園先生邀佐文衡赴之。浙江方修通志先生謂翁洲六大忠臣當立傳乃作武進吳尚書上海朱尚書鍾祥李尚書三狀張相國劉安洋董給事三志移之初入京卽上書方靈臯先生論喪禮或問靈臯大異之由是聲譽騰起

九年辛亥先生二十七歲春夏游山左秋南歸

自舊秋至是夏在羅竹園幕遂遍遊三齊諸勝皆有紀志題咏爲蓬萊王孝子立傳應黃崑圃先生之命

也秋七月自歷下南歸省親

十年壬子先生二十八歲舉北京鄉試

春吟園先生七十壽初夏以太夫人命復北上八月
張孺人產一女甫七日孺人殞女亦不久而殤先生
魁北闈方撒棘房考曹公一士逕過寓齋傾倒特甚
而臨川李穆堂先生見先生行卷曰此深寧東發以
後一人也招之同寓遂偕萬孺廬先生唱和於紫藤
軒一時名下俱願納交先生然先生所心契李萬之
外惟靈臯先生坦齋王侍郎濟寰曹給事謝石林侍
御鄭貧谷侍講數人而已而時相之門雖屢招之不

赴卒以此深嫉之至於放黜

十一年癸丑先生二十九歲春闈下第仍居京師

榜後始聞張孺人之赴將歸省有詞科之

命工部尚書仁和趙公以先生薦遂爲吏部所留不得歸仍居紫藤軒與臨川先生論陸氏學案凡四上書十二年甲寅先生三十歲續娶曹孺人於京師

移寓藤軒之東長安米貴以行篋書二萬卷質於仁和黃監倉有春明行篋當書記

十三年乙卯先生三十一歲居京師

與穆堂孺廬爲重四之集有詩和者至百餘家時大

科諸公尚未盡集李公以問先生爲奏記四十餘人
各列所長李公歎曰使廟堂復前代通榜之例君亦
奚慙韓退之哉其後四十餘人者李公多展轉道地
登之啟事同時詞科舉主以臨川靈臯爲眉目士之
欲見二公者率藉先生道引於是應召二百餘人多
半與先生通縞紵先生因得盡其人之文章學術乃
彙爲詞科摭言一書而先之以康熙己未百八十六
徵士仿高允徵士頌之例詳書之而接以今科則廣
采同譜諸公所著入之其書甚博已成大半會先生
放歸未卒業僅得前後姓名及舉主及試錄三卷

乾隆元年丙辰先生三十二歲成進士入庶常館

先生本以薦舉鴻博留部至是先成進士入詞館而時相方忌先生中大科遂特奏凡經保舉而已成進士入詞林者不必再與鴻博之試識者已知先生不能久於館中矣是年與臨川先生共借永樂大典讀者之大典共二萬二千七百七十七卷取所流傳於世者置之卽近世所無而不關大義者亦不錄但取欲見而不可得者分其例爲五一經二史三志乘四氏族五藝文每日各盡二十卷而以所籤分令人鈔之顧臨川與先生皆力薄不能多畜寫官至次年先生

遽罷官歸遂未卒業然先生所鈔高氏春秋義宗荆

公周禮新義曹放齋詩說劉公是文鈔唐說齋文鈔

史真隱尚書周禮論語解二袁先生文鈔

袁正獻
正肅

永

樂寧波府志皆世所絕無而僅見之大典者也時方

開明史館先生爲書六通移之其第一第二專論藝

文一門見先生不輕讀古人書又謂本代之書必略

及其大意始有係于一代事故典則風會而不僅書

目其論尤偉第三第四專論表而於外蕃屬國變亂

瞭如指掌真經國之才也第五第六專言隱逸忠義

兩列傳所以培世教養人心而扶宇宙之元氣不但

史法之精也 初見江陰楊文定公公稱之曰博而勉
以爲有用之學先生謙言以東萊止齋之學朱子尚
議之何敢言博公曰但見及此則進矣

二年丁巳先生三十三歲左遷外補遂南歸

四月

泰陵配天禮成獻大禮賦靈臯先生曰筆力弗逮杜公
然語語本經術典核矜重則杜公微媿拉雜矣五月
散館竟列下等左遷外補而先生舅氏蔣季眉先生
亦同被黜或曰當事者惡先生因及蔣公先生以兩
尊人年高多病亟欲歸靈臯先生猶欲薦先生入三

禮館辭之而薦吳君廷華九月出都冬抵浙便道過姚江孫忠襄公墓拜而爲之銘至家適太公得足疾悉力治之

三年戊午先生三十四歲侍兩尊人居冬丁太公艱先生既歸侍庭闈有間益廣修枌社掌故并桑海遺聞著作日富重登天一閣搜括金石舊搨編爲天一閣碑目又爲之記又鈔黃南山儀禮戴記附注四卷王端毅公石渠意見皆閣中祕本世所僅見者又編曹遠思葬楊氏忠烈錄至臘月太公吟園先生忽得疾不起

四年己未先生三十五歲葬吟園先生冬接丁蔣太夫人艱

春三月葬吟園先生于光溪木峯之南一切附身附棺之禮皆竭力從厚冬蔣太夫人卒是年始修全氏宗譜

五年庚申先生三十六歲合葬太夫人于木阜峯阡

讀禮之餘博攷全氏掌故作桓溪全氏祠堂碑東浦全氏祠堂碑桓溪舊宅碑鵲巢碑記全氏義田記響巖先塋地脈記崇讓里記凡數十篇是年始遷居青石橋胡氏適可軒後所稱雙韭山房者也

魚... 卷...
六年辛酉先生三十七歲秋至白下歲暮而歸

聞臨川先生主試江南秋至金陵投止承恩寺遍游
朝天宮報恩寺燕子磯舊院諸迹皆有詩自戊午已
未接丁外內艱至再近大祥從不作吟咏聲始爲破
戒因題曰祥琴集以志過及撤闈而臨川病送之舟
中爲先生商古人出處之義先生呈截句五首其次
章曰申轍報罷董生黜更復誰同汲直羣自分不求
五鼎食何妨平揖大將軍末章曰生平坐笑陶彭澤
豈有牽絲百里才秣未成膠身早去先幾何待督郵
來自是先生遂無出山之意矣歸經揚州止宿馬氏

畚經堂成困學紀聞三箋萬孺廬先生適見之以爲
在閩百詩何義門二家之上

七年壬戌先生三十八歲居里中

三月除服吏部催赴選有司以爲請先生謂二喪並
及當服五十四月今雖遵例除服而心喪有未盡辭
之有心喪剖子荅鄞令其實先生本無意出山也四
月糾同邑陳先生南阜錢先生芍庭李先生甘谷胡
先生君山先君鈍軒先生爲眞率社重舉重四之會
壺觴一旬再舉至十月得詩三百餘篇皆枌社掌故
題曰句餘土音後刪定爲句餘唱和集

八年癸亥先生三十九歲

先生以乙酉正月五日生而是年立春在初十日者
例作甲申年庚則癸亥爲四十年矣朋好有稱祝者
先生作詩謝之而詩集亦遂題曰虬骨用東坡語也
五月十三始舉子昭德九月出游有杪秋江行集十
月至維揚有七峯草堂唱和集

九年甲子先生四十歲

自題詩稿曰五甲集以同年施藥齋令餘姚來招赴
之適杭先生堇浦亦在署同游龍山諸勝皆有詩復
同渡江至湖上夏還寧是年先君始率仲兄秉瓘暨

純受業先生門下先君方修寒家宗譜請先生鑒定
凡例先生爲之序并撰先世志傳碑贊凡三十餘篇
○選定李杲堂先生內稿及西漢節義傳及昭武先
生殘集皆爲之序於是有意耆舊詩之續遍搜諸老
遺集而楊氏四忠雙烈合狀華氏忠烈合狀屠董二
君子合狀王評事狀皆成於是年秋之浮石周氏訪
三和尚及立之石公諸集又得林評事朋鶴草堂集
正氣錄二書爲之狂喜作詩以志

十年乙丑先生四十一歲續選甬上耆舊詩集

杲堂先生耆舊集縉紳終於萬厯先生續之并及

本朝凡百六十卷分任同社諸公及門下諸子鈔錄人
爲立傳視臬堂加詳焉於是桑海之變徵太平之雅
集凡爲鄉黨所恭敬而光芒有未闡者畢出眞大有
功於名教者也是年之詩卽題曰鈔詩集○夏寧守
魏某縱一奴子入泮宮且陳夏楚以恫喝廩保先生
憤甚移書詰之守怒偕巡道葉某以細事羅織先生
力求撫院興獄并及堇浦先生撫軍常公不可旋以
受宣堂文集令鄞令求先生作序其事始解○前京
兆陳甸山先生再以書速先生出山先生荅詩三首
有曰寸長尺短誰相量北馬南轅我弗任又曰苦不

自知吾豈敢將一擲試微軀蓋先生於出處之際
籌之熟矣。○詩集有送錢二池之黃蘗山省墓之作
合之文集諸錢碑版則知忠介神道第二碑葬錄年
譜以及侍御職方推官諸志忠介大全集侍御東村
集諸序畫像降神諸記凡數十種皆成於是年

十一年丙寅先生四十二歲仍錄耆舊詩兼修南雷黃
氏宋儒學案

春杪至湖上適蘆浦先生以閏重三日爲稷事之會
太守鄒鈍夫而下至者四十二人先生與焉遂自茗
上至吳門寓陸氏水木明瑟園有詩曰吳船集舟中

取南雷黃氏宋儒學案未成之本編次序目重爲增
定遇彭侍郎芝庭先生曰吾觀同館諸公蕪萃太甚
安得如謝山之春容自便先生有感于其言作詩謝
之夏過維揚再館馬氏畚經堂編纂學案有韓江唱
和第二集

十二年丁卯先生四十三歲

正月撰萊陽姜忠肅公祠堂神弦曲應象山姜炳璋
之請也二月至湖上上巳後重過水木明瑟圖謀刻
宋儒學案遂至金陵訪靈臯先生於涓園靈臯年八
十方七治儀禮戒先生不當爲汗漫之游先生呈詩

四章其卒章有曰廿年荷陶鑄十年惜別離六年遭
荼苦餘年患阻飢以此成慚負著書杳無期猶喜素
絲在未爲緇所移靈臯之規切先生之持守均可見
矣古人哉夏返武林修宋儒學案秋盡復過維揚歲
暮歸是年詩有偷兒棄餘集吳山消夏集漫興集

十三年戊辰先生四十四歲秋主葑山講席

三月之武林太守鹿田先生問曰先生不出之意何
其決也先生荅以詩曰野人家住鄞江上但見山清
而水寒一行作吏少佳趣十年讀書多古歡也識敵
貧如敵寇其奈愛睡不愛官况復頭顱早頽白那堪

逐隊爭金欄紹守杜公先生故人也來招遂適越重

定黃氏遺書姚總制之孫述祖求撰總制神道第二

碑秋渡錢唐病方撰顧寧人先生神道表力疾成之

先生自丁卯冬有不寐之疾醫者謂是虐用其心之過當靜攝以養之先生未能用其言至是遂大病中

秋乃痊已巳居杭九月杜守請主葺山講席始設奠

於子劉子影堂議定從祀諸弟子初課諸生以經義

繼以策問詩古文條約既嚴甲乙無少貸越人始而

大譁繼而帖然一月之後從者雲集學舍至不能容

復與杜守議立故太守湯公篤菴之主於書院以其

有大功於越而專祠久廢也又欲推其例於陳臥子

先生及明故相膠州高公皆已定議以先生去不果而冬青義士祠祭議凡與杜公三復焉是年詩曰漫興二集曰望歲采葢集

十四年己巳先生四十五歲校水經注

杜守仍請主葢山先生固辭葢舊冬主人微失禮也於是蕭上諸餘之士爭先入學舍者幾滿合之山會共得五百餘人旅食以待而諸生蔡紹基沈有聲姚世治率十餘輩抵寧而請杜守亦密懇觀察使者侯公速駕先生終不赴秋諸生以舊秋所課請改定畱越三月得文百餘篇刻之是歲有詩三集曰西笑以大

金川平定也四月後曰雙韭山房夏課九月至歲底
日帖經餘事集而水經注一書先生晚年精力所注
用功最勤實始於是夏

秉純按先生自辛酉以後極貧饔飧或至不給冬仲
尚衣裕衣賴維揚詩社歲上庖廩然典琴書數券齒
日皇皇也叢山之俸頗得中人之產數家竟以避色
不赴他日山長之陋劣苞苴公行羔雁充積先生力
戒諸生雖蕙苴不得入及蔡生來寧知先生以杜守
故請曰今學舍中滿五百人請先生弗受太守之餽
但一過講堂五百人者以六鎰爲費千金可立致豈

傷先生之廉乎先生呵之曰是何言歟夫吾之不往以太守之失禮也禮豈千金所可貨乎且譬之爾家太守爾祖也祖所不能致之師友其孫出而任之曰我有私財無勞乃祖共給爲之師者竟居之不疑可也不可也蔡生唯唯而退純時在坐心服先生之言而終憂先生之貧然是時選部之檄歲至友朋之車乘頻催先生不爲貧囊動心久矣區區千金嚮鼠耳而以之嚇先生是則蔡君與予之陋也矣

十五年庚午先生四十六歲仍校水經注

春病甚一目忽眚舌間無故涌血頭髮作酸痛心氣

忽忽若欲盡先是姚憲田先生謂先生子病在不善持志理會古人事不了又理會今人事安得不病先

生有病目集當在是年然有蓮字先生再入政府詩及人吳舟中東薊林之作曰天子親裁錫類詩則當在辛未大抵此二年以多病不作詩無事迹可考

十六年辛未先生四十七歲

皇雅成

天子始巡幸江浙浙中士大夫俱赴吳門迎

駕多有錄用及賞賚者獨先生與董浦先生寂然說者謂匪臣未嘗

上達也先生東薊林少師詩四首其次章曰木雁遭逢

豈可班羞居材與不材間故人爲我關情處莫學瓊
山強定山蓋少師欲薦先生而先生辭之也是歲浙
中大旱禾稼無顆粒收先生索食維揚歲暮始歸自
己巳始撰

皇雅凡四十二篇屢有修飾至是勒爲定本皇皇鐘呂
之音足與柳儀曹姜白石接跡矣

十七年壬申先生四十八歲適廣東

三月東粵制府以端溪書院山長相邀遂度嶺五月
至端州釋奠禮成祀白沙以下二十有一人從前未
有之典也有示諸生詩九月故疾復動然少閒必與

諸生講說學統之流派考訂地望故蹟薄游光孝寺
寶月壇登閱江樓七星巖皆有詩又爲諸生改定課
藝百篇刻之又取博陵尹公所刻呂語集粹序而梓
之院中以廣其傳而朝夕不倦者則水經注蓋已七
校矣

廿八年癸酉先生四十九歲自粵中歸于家

病日甚決意辭歸而大吏及諸生尚苦留不已新會
令張惕庵曰先生必不死以生平所蘊尚未盡暴于
世也于是復留數月訪肇慶故宮天湖慶雲寺登白
沙岡訪枕榔亭皆有詩又過溫川訪海月先生故居

至江門謁陳文恭公祠訪其服玩遺器各賦詩一首
至七月乃歸家養病猶以水經注未卒業時時檢閱
而刻于粵中之詩曰度嶺集

十九年甲戌先生五十歲居揚州

正月病漸痊春盡維揚故人以書招往養病且云有
善醫者乃赴之仍居畚經堂病亦未有所增減也仍
治水經兼補學案十一月乃歸是年戒不作詩其得
之藥裹之餘者寥寥數十首未刪定不成集也

二十年乙亥先生五十一歲卒

正月手定文稿刪其十七得五十卷命純暨同學張

炳盧鎬全藻蔣學鏞鈔錄然病亦無所增減也至三月而嗣子昭德病十日竟殞先生爲之一慟遂不可支成哭子詩十首埋銘一首遂絕筆而刪定詩稿自辛酉以前盡去之辛酉以後收其十之六得十卷頽唐病筆尚有改塗者五月文稿錄成先生已不能徧閱命純隔坐琅誦先生聽之遇有錯謫猶爲指畫然病日甚曹孺人含淚欲進參而無力純乃以耆舊詩稿本質之有力者得參半兩進之神氣稍振于是議爲後者本支實無其人乃立宮詹公之七世孫孫桐爲孫時年七歲告于祖廟命純執筆同撰祭文卽以當

繼券尚扶掖主祭六月初十日也自此臥榻不復出
戶又十日呼純至榻前命盡檢所著述總爲一大篋
顧純曰好藏之而所鈔文集五十卷命移交維揚馬
氏叢書樓又十日不復能言日夜作斯聲如睡又兩
日聲漸微乃逝七月二日寅也衣衾匠木先一日纔
備具時方酷熱卽于午後入殮皆純所治然無以償
直又十日乃遣元隨賴高齋赴及遺書告之維揚而
馬嶰谷先生亦適于前十日逝世幸哲弟半查敦古
誼告之同社共得百金爲賻然僅足償參苓及附身
之費而葬具猶未備不得已盡出所藏書萬餘卷歸

之盧鎬族人得白金二百金于是卽張孺人所葬高祖和州公大墓傍營立三穴其右略後卽昭德附葬所皆先修治而以十一月 日治喪禮受親知之來弔者 日祖奠 日奉柩入榔朋舊親戚宗族弟子送葬者尚數百人明年五月廿六日曹孺人亦卒時純方出門適京師孫桐穉弱其生父愿甚一切喪葬賴高之力居多葬畢賴去不十年桐之父盡失所遺房屋墓之傍僅有田十二畝亦失去寒食中元幾無一奠而純所勾墓浦之志竟不報并所遺馬氏文集十冊亦歸堇浦索之再三而終不應是則可爲長慟

者矣乾隆乙酉純在杭萬三福謀刻先生文集請吳
丈鷗亭馬丈半查協力純率同鄉後進助之先得經
史問目十卷歲在庚寅純居安州次年至京師取所
遺先生叢殘舊稿按手定之目重鈔之既得大半乃
據所聞見及詩文中可考者作爲年譜一卷惜行篋
不能盡攜先生遺書而同鄉耆舊無一居京師多有
闕疑不能詳盡姑存之以俟後日之增補嗚呼予今
年亦四十有八矣去先生易簀之歲三年耳倘不暇
爲校錄考訂一旦填溝壑有負藏弄之命何以見先
生于地下且先生雖年僅及艾所蘊不盡暴于世然

千秋之業確然不朽若純之荒落非附青雲之末卽
百年終同腐草耳則此役也謂純之不負先生哉亦
先生之神光大澤呵護沾溉于純而已矣受業董秉

純編輯

鮎埼亭集卷第一

鄞 全祖望紹衣撰

餘姚史夢蛟竹房校

頌

皇雅

聖清戎樂詞一十六篇

三祖

二宗之豐功非筆札所能盡其揚挖自來館閣諸臣大都隨一時一事而述之而未有兼綜

五朝之備者今條其節目之大者一十有六括爲饒歌以視唐柳宗元宋謝翱不足爲役故未敢以上之太常

焉

長白雲志受命也

長白山雲茫茫飛度結岱宗萬古表東方

長白爲岱山所導原說見

聖祖御製文集于此悟古人青營二州合一之旨

朱果之祥自昊蒼篤生

聖人六十三姓附以昌會明政漸不綱至孝大復讎義

師何堂堂

事見太祖實錄

撫順一鼓崩角降桓桓杜與劉老

熊未可當竟不支喋血成濠骨成岡遂日闢百里關門

烽火昕夕忙中原黨禍正披猖大東小東國論狂誰知

帝星朗乃在大東荒

時有大小東之說大東神廟東宮也小東東林也未幾東事起

自隳長城前熊後袁橫被戕日益潰裂無完疆

聖人念民力欲以和媾罷戎行嗟明尚自大往復徒講
張欲仍龍虎節而臣視

興皇

事見太宗實錄

命則不受謀則不臧重圍困四度致長

驅直達淮之陽援兵十八萬逡巡晉州旁

事見明史

始歎天

所興莫能嬰其銜太史曰可矣猶然謙讓謂未遑還軍
長白下有待始垂裳

俘插部志西略也

卽實錄之察哈爾國

彼插漢蒙古餘因緣避俺荅來傍薊西居羈縻在明代
幾度勞翦除叛服靡常其心頻渝旣明衰爲所愚欲仗
其力以捍東隅豈知不足恃翻令多所需玉帛貨賄動
兼車餓狼饑豹有挾趨叩關而索紛莫驅飽則颺去曷
嘗奉簡書乃知三孃子末世所無晒督撫眞虛拘謂王尚書

乾象

東帝正當塗天下之力莫能支吾彼插漢胡爲乎插始

猶大言謂我水濱漁獵徒

插初致書

太祖自稱四

水濱三萬國主

太祖斥之見實錄欲爭廣寧恫嚇夸誣旣遠保河西所

部日齟齬乃詭東附亦復懷次且希反覆恣所如

帝曰吁有是夫陰陽向背多狡圖大師西徂抵兀蘇前
援天矛後天弧瓦刺諸部稽首來孚插震而邁四十萬
衆淵魚叢爵赴上都鷓鳩亦復來哺雛玉璽動地出貢

其貞符

事見太宗實錄

按其時有北察哈有南察哈所謂林丹汗者乃北察哈正蒙古大宗也南察哈不見于諸書但見于太祖實錄蓋北察哈之分國

宥朝鮮志東征也

朝鮮父師後尚有禮教遺昔在明中葉日本恣侵欺神宗用大師爲之振式微以此卹附庸効忠亦其宜

眞人起建州所至凜天威下國昧時務不知早自歸區區小草力欲以挽落暉毛鎮因之起犄角成連雞

天子嘻其笑是亦何能爲獨念臥榻旁不容小腆窺初猶薄問罪諭以擇木栖終不悛脊戀崦嵫情依依整軍下平壤如山壓卵風捲次國王竄江渚世子遭囚羈應痛李氏殄殫指悔莫追誰料如天德貳則有討服舍之原汝心未爲非但願汝事我亦如事明無猜攜宥汝罪

不汝隳

高麗事感

明之忠耿耿可聖祖亦嘗稱之

朝鮮臣民感涕洟生死

肉骨古所稀

大朝存我敢不革心備藩籬亦足以謝明皮島援艦空
噓唏至今高麗稜連車貢彤墀

太祖

創平諸部始于哈達輝發與喇葉赫所謂扈倫四國即明所謂南關北關也乃以次臣服諸蒙古至

太宗時凡十六國四十九貝勒畢歸然後收服朝鮮

而塞外無不臣者矣北用兵之次第也按太宗

實錄蒙古十六國部落分爲四十九貝勒曰科爾沁

曰扎爾特曰杜爾伯特曰郭爾羅斯曰敖漢曰奈曼

曰巴林曰土默特曰扎魯特曰察哈爾曰阿魯曰翁

牛忒曰車里克曰喀爾沁曰吳喇忒而以察哈爾故

太子冠之亦爲一國蓋是時分察哈爲二也

大討賊志取北都也

天下喪亂將以啟聖人謂予不信試觀諸甲申殘明烈
帝非荒君十七載何憂勤其奈生逢陽九辰五十揆席
多賊臣馴令米脂賊塗炭遍斯民赤者眉黃者巾遂汗
神器遭鬼噴

先皇赫斯怒愍茲雲雷屯前箸曰叔父爲我討賊清乾
坤噲賊徂累勝豈識天兵如天神望風不戰走封狐十
丈化遊魂燕人望師如拯焚一朝快復讎盃漿夾道出
九門東來迎

天子驚見沖齡未十春累朝創業未之或聞負辰委裘

皇皇懋親翦商已再世一朝唾手志竟申奠九鼎定八
垠非天私我曰惟積功與累仁

飛渡江志定南國也

半壁塹江東雖小亦足王辛苦諸遺臣立君非孟浪晉
宋有前車負荷良所望

大朝隆繼絕或亦邀保障天之棄明如嗇夫重以彼昏
速淪喪蝦蟆勅自結綺來蝗蝻獄自同文上三案紛如
六宮淫放賊不討君誰葬耆老翩翩盡拂衣但聞南斗
亦北向戾園讞由佞相晉陽甲由悍將烈皇恭王旁午
來妖人百輩從天降時有自稱莊烈帝者亦有自稱福恭王者皆絕怪事相傳福
世子舊是黎邱鬼所誑匆匆冒龍種負乘應無狀吾當
救此一方豈可姑容釀板蕩天兵飛渡江蔣山王氣黯

惆悵青蓋來板磯孝陵淚逐江流漲吳頭楚尾盈甲帳
賢王受降闕軍仗

七閩來志鄭芝龍之降也

赧王禽唐始紹無諸都冀自保莫陋茲蛇鄉揚越河山
尚不小王頗諳文詞登極三篇出手草朝之右多故老
大布冠衣志矯矯其如幹略則已少天教魁枋在盜臣
莫化鴟鴞爲鳳鳥蒲黃遺種別有傳生來不道忠貞好
有兵長嬉有餉浪飽首鼠幾徘徊重關之備一夜掃王
旅旣來臨棄君入窮鳥九龍五指雙迢迢死耶生耶誰
復曉事見明唐王始末爾亦自崩離大小賜姓分飛杳鄭宏遠有子稱
小賜姓亦隨
成功逃去

天子薄降蠻羈縻來京枉潦倒

事見世祖實錄

七閩地如振

稿共看扶桑日出早言采清人茶薦之九廟馨

祖考

再平魯志張名振之走也

鯉魚飛讖在魯斷吳山畫越浦六家軍鳴戍鼓

謂孫熊錢沈于

鄭六

士各爲其主斯志亦良苦奈與閩自齟齬輔車乖

竟何補王益孱困不武馬阮伏戎莫敢膏斧方王養疽

莫能禦侮六月潮枯馬無阻列營星散如避虎

此丙戌事乘

桴往無寸土三年飄泊得翁洲

此己丑以後事

重憑黑子安軍

伍波臣驕藐樓櫓謂天險聊安處但內訌忘外堵忽然
反風兼迷雾螺頭門外聞招撫震霆臨壓其戶急揚帆
落棠畧田空廡廡乃知皇眷殷鮫人蜚兒皆歸我

天府浙之東永篤祐

檄緬人志孫李之交攻以自亡也

西充殪長蛇巴蜀見天日如何剩遺尚存逆孽曰明固
未亡從之求湔祓桂世子在西粵雖處流離頗叶雲物
瞿何章堵盡瘁扶累蹶湘澧雖亡滇竹未失自受降反
增疾未收銅馬功先流青犢血秦兄晉弟力則埒曠林
之戈分隊出誰順誰逆紛衡決坐看二鼠鬪一穴牂江
洱海竝愁絕大兵乘之各瓦解以裂厯劫火同漸滅三
宣六慰競來歸投命緬人希苟活天所廢疇能脫明亡
一十有七年四王之起亦飄忽景炎祥典所未及到頭
莫與新命爭祇合黼毋臣周室

三孽除志諸逆之殪也

溯甲申之役明有塞上臣國難旣震家禍復因稽首我先皇感之爲酸辛七日倚牆雖非其人以扶大義豈惜袍澤勤功成來歸帶礪策勳賜券禮視宗王親有兒尚主侍期門倘非木石諒感恩何期天狼終不馴負心賣

故主思踞滇海長子孫

時三桂用其國山楊坤之策以典緬甸之役詳見南天筆記

猶以蒙段爲未足直登衡嶽窺漢津蠢茲二禪王從之借猖獗更有叛將起三秦碧雞一旦遭妖氛南天如沸重紛紜天吏不嗜殺醢彭樅布非樂聞置逆雖猶望爾更新乃怙終無赦在鬼神天兵動地至祝融爲犒乘韋

殷賊致死紫蓋飛沙褫其魂始日蹙負隅守餘屯如蛇
倒退縮不申老雄死豎子安辭頭足分保寧解網革心
歸命及苗民事見聖祖御集二裨王久矣輔敗無完唇五華
山宮祝萬壽菊醬百瓊貢至尊

逆吳之難耿精忠附之蒙古察哈爾國應之已而平涼王輔臣應之臺灣應之于是尚之信亦應之甚至安南莫氏亦應之他如河北帥蔡祿輩亦謀應之吳氏最費翦除而耿鄭之合大有騷動王韓臣亦梟雄非聖朝之得天一時不能底定也

六旬克志殲布爾尼也

太宗西討日青吉思部幾無遺

卽插首

頗憐其允尚以貴

主嗣藩維位冠四十九貝勒屬國誰與齊

天聰十年蒙古四十九貝

勒勒進以察哈太子爲之長

又不祿再續絕世寵爵之斯恩斯德寧

有涯豈期一傳驕不自持

謂阿布奈

詔書錮之北更立汝兒

時安置盛京以布爾尼襲

將以待改行帶礪

固不移乃踵逆思奮飛中原有亂臣不過英布與陳豨

孰克長世孰克乘時汝乃不擇音烏合相因依召之不

至畔矣遼西嗟汝亡國餘妄思抗天威孤恩背德上帝

不宥神不綏皇皇禁旅如虎如熊六旬飲至告清夷渠

魁就殄濟從罔治猶聞以禮葬林丹泉下感且唏

長鯨歸志入臺也

東寧在南海邃古所未通及明爲盜窟澎湖如挂弓鄭
人此發跡得稱絕嶠雄晚節竟塗地有子莽不從遙遙
奉天祐進取志則濃一敗始改計覓地圖養鋒輕兵掩
荷蘭樵牧及雞籠自謂欲待時不學虬髯翁此郎雅難
制未肯尸居終填海雖不遂餘部仍洶洶適乘逆藩難
覲收漁人功動猶託故國思以惑羣蒙

天子大一統荒服何不容得民豈加庶得賦豈加充所
惡附名義窺伺我提封璽書下制府刻日搗賊叢七鯤
身則險八槩船自工閒使時出沒吹散彼沙蟲沙蟲駭

以散長鯨計斯窮天威廣無外海潮送長風自去延平
爵來朝未央宮瀆漫數千里疆索昭大同

畫雅庫志討俄羅斯也

藐雅庫極朔漠層冰千尺經三伏鼯鼠千斤穿絕谷虎
狼姿兼以火器恣狂毒四十年來未臣服彼索倫我之
屬歲貢貂稱恭肅乃遭吞噬一何酷

哲后嫌佳兵累書戒迷復充耳若不聞始出輕兵到樺
屋敵援自水來乘筏沿流速五百搗刀飛入江滾牌所
至指可掬不降且燎原編菅秉杆各一束賊乃鼠竄輸
其城郭大帽凱歸不遺鏃賊尚狡戀殘局幾林之屯更
迭前偏強安得保種族自今朝

櫛座船廠聲靈遠赫濯

初俄羅斯以順治十七年入貢不知正朔稱一千一
百六十三年其國最精火器地大兵多稱極北地去
斗極祇二十度耳自古所未通及築城于索倫之境
奪其貢貂索倫告急詔書畧論之俄羅斯不奉
命康熙二十四年始征之大將林興珠別領藤牌兵
五百敗其援兵于江中俄羅斯未識藤牌驚曰此大
帽軍也興珠乘勝登陸欲焚其城俄羅斯棄城走師
還僅以病故損五人稱奇捷然次年俄羅斯復築城
詔黑龍江以北屯兵更番前逼之二十七年復出師
而別遣使臣張鵬翮等諭之俄羅斯奉命歸我
侵地及城始盡雅庫而守之嗣是遣使入朝矣三十
七年厄魯特反從之乞援俄羅斯拒之遂永爲不叛
臣之

瀚海清志敗厄魯特也

皇威正遠暢一會忽自迷稱兵瀚海外處劉我屬夷沙

陀故穴兼復附黃衣

按厄魯特居金山自言古沙陀之地沙陀唐之西突厥本居靈鹽徽

外李氏父子始遷雲代之間而其故部仍居西陲遼志所云阿保機破降吐谷渾黨項沙陀諸部是也蓋今厄魯特之帳所在矣用計亦頗狡將以挑六師謂當更番至使我

奔命疲或得閒逞其私

聖人投袂起此行誅窮奇誰謂瀚海遠平行枕席路不
巖飛龍所經過百神護旌麾漫天穹廬下黃人捧日隨
賊出不意膽碎而飛欲確鬪先狂馳諸將分道截雖令
突去將安歸乞援望已絕乞降事已遲部曲競前詈逆

天戚自貽蒙而竟仰藥投骨和死灰沿邊各來賀爭道

聖人與天齊勤三駕綏七旂

七旂謂喀爾喀部落也初喀爾喀雖作賓而未純臣

禮蓋故察哈之屬也

至是將爲厄魯特所滅乃來歸康熙三十五年

聖祖一幸克魯倫是冬再幸鄂爾多

斯明年三幸狼居

胥山而西方定

不然絕域父老安得望須眉中有老

胡公其人善滑稽彈箏侑大酺以手指而嘻感歎神武

誰能幾所謂大丈夫豈不當如斯

語見北征勅諭

聖祖

恢喇藏志綏黃教也

三危于我如內臣雖宗黃教曾從開國知

聖人

事見聖祖御集

滇黔不逞力能式遏靖狂氛

事見西陲紀略年

來効命赤手誅妖髡

謂第巴

賊乃乘彼髦結爲昏姻一朝

掩襲殘其民耽耽土伯特欲恣鯨吞

先皇存亡國西顧而聳打箭爐前誓六軍長驅驚擊無

遂巡誰言瘴雲黑一朝化霽雲洋洋三藏前茅後勁如

有神左屠右翦且勦且撫聲雷殷招招之像重見唐時

廟貌新

招招華言如來也大軍至土伯特界上見唐公主嫁突厥所奉招招像尚存

嗣皇善繼志使者下紫宸築廬舍相度勤流泉夕陽生

陽眷永爲蕃衛膜拜報恩

事在雍正七年

澆河靖志西寧之勝也

固始種居卑禾密邇甘涼番羌部落森星羅漢之金城
唐湟中自古爲國藩屏多有明置四衛亦復不與甌脫
科

天朝沛殊澤兄弟八王竝峩峩將以縻狼子洮漓湟
成恬波俾之食德還飲和

皇恩浩蕩賊乃乘間集么麼揚氛祁連山投鞭浩壘河
阿于寨下驟馬過西王母神喚奈何

天子命虎臣出塞奮瑯戈麾兵入賊巢耄母乞命如蟲
螺凱旋數馘後舞前歌五花氍毹好被明駝

事見
宗平定青海世

魚井亭集

卷一

一

疆有苗志八萬古州之捷也

有苗後最回互各稱洞主莫肯內附其人如猱其毒如霧莫輕小醜頗能跋扈岑楊奢安迭出爲明蠹及將亡託國賦中露

大朝幾百年荒服恩四布禮樂所沾濡洗心識王路彼蠻兒乃內如謂堯民美無度不須蒙騫及相如甘心自拔首輸賦突有黎平種軒然獨負固

縣官勅大戎驅我熊羆翦狐兔神兵焚鬼方宿莽咸驚怖方知漢大天所祚送降幡陳計簿猺獠狔狔司徒分北登名數刻巖疆成坦步

三后聖德詩一十二篇

敬讀實錄諸書欲爲雅頌之音形容盛美而才力謏下不足盡之乃于饒部之外取其大事之目一十有二曰三后聖德詩下里之辭始發其端以俟能者推廣之

不殺志仁也

九章

上帝好生有時當厄粵若明之衰喪亂尤亟橫從羣盜并爲二賊二賊尤無賴荼毒遍中原殺人以食殺人以眠茫茫九有莫洗此冤上帝潛然謂子遺可念乃命聖人翦此僭濫手持天漿以消凶焰

聖人潛然恭承明命是余之罪方州在阱願無血刃指

揮以定七萃所臨窳窳崩剝至仁無戰坐消百惡搏桑
東升機槍夜落枯楊自生野禾自稼

蜀中事

草木訢訢向

榮觀化乃告上帝燔柴肆赦在昔定天下所嗜歸不殺
苟其違之莫立莫達上帝監觀豈徒事撻伐於維我

先皇允矣大慈佛所不能救而克援之遂持威斗慰我
嘉師豈勵及身種之世世文子文孫守茲勿替君子親

賢小人樂利

古來受命之主未有如

世祖之仁慈

而取中原也
聖祖克肖嘗曰朕生平未嘗妄殺一人大哉斯言乃祈天永命之本與

愍亡志厚德也 八章

古今興廢何代茂有天之所棄善者莫守成敗論人雷
同百口明有烈帝手鋤凶人勵精明作薄視漢唐日未
醇薄海望治胡竟不振上帝之眷方臨東土大厦將危
綢繆莫補內奸外寇乃崩裂以仆至竟臨難猶復堂堂
國君死社稷于古蔚有光貞臣十九攀髯旁皇

聖人曰噫茲家遘陽九于志則賞于義不疚莫爲表之
何以示厥後爰加誅謚慰其瞑魂爰降

奎墨碑其寢園爰褒忠節廟祀國門南渡荒王雖遭天
絕亦有賢督相報國無闕廩其耄親大義烈烈底須辨

亡定論嗟峨誰稱廢陵

天子所呵遺民感泣沒世不磨

明思宗碑文出自世祖御製力言其非亡

國之君又爲辨熹宗張皇后竝致祭焉既賜甲申諸忠
廟祀各給田七十畝于其家又賜史閣部之母宅廢以
終其身皆培養元氣之盛舉也嘗有稱故明廢
陵者

聖祖斥曰彼身爲天子誰其廢之

平賦志除厲政也

六章

昔明增遼餉驟至八百萬未裕邊防反成寇患暫累吾

民豈知滋蔓

暫累吾民一年明季練餉詔中語也

乃有

眞天子應期而生十三戎甲所向無堅城曰朕知天意
將以甦疲氓

章皇入關授之元輔首收圖籍祛茲疾苦惟正有舊章

以告太府

謂范相國文程也事見本傳

民惟邦本斯王政之先所以

受命夫豈偶然本支百世何必更卜年東南重征相承
累代史賈以來繭絲爲害烈烈

憲皇蠲除清汰世世有

仁君以覆我窮黎二江五湖草木盡酣嬉前史食貨志
似此者希

馭奄志斷也 七章

曰厥曰衛明政之厯厥蝕膏盲衛爲之翼宮隣金虎逞
其大逆烈帝甫臨朝退黜一空俄不自持死灰復融竟
以致敗論世有餘恫

天子東來大反罷政妖鳥之巢掃除必淨廓然宮府一
體無競流落十常侍尚有餘梟累降不恥曰故司禮曹
謂曹化淳希圖得閒列于

新朝汝幸免誅夷尚不自媿更諭諭訛訛其又奚爲并
彼衛人遊魂共棄

謂駱養性初用爲
津撫未幾罷斥

如聞溷王尚寵于

坤不覆車之戒而故轍之循固宜燭火不克自存至今

庵寺薄充灑掃雖有巷伯亦安枯槁殿陛雍雍親宦

之日少

世祖卹王承恩亦解燕有芳則又不以人廢也

聖祖

大度志有容也 八章

伯夷采薇定不可臣商容長往式閭空勤成周之世遐
哉逸民黃綺出山終有慙德良黨入朝斯遭論劾乃知
冥鴻大半避弋亦有謝生死于燕山亦有戴生死于長
干興王之勢抗之則難

新朝大定搜羅耆宿良馬素絲徧于空谷謂宜翩然風
雲是逐何期石隱自外陽春題詩義熙紀歷咸淳長哦
老婦或被吏嗔

天子莞爾其無強起士各有志諒難羈縻朕有外臣亦
朕所喜土室李生風裁何峻翹弓不出屬車下問少微

護之罔遭悔吝千仞德輝在壘之上不有大度誰成天
曠上堯下由千古相望開國之初遺臣盡登啟事其不
出者亦不強布衣李顒不至及西巡特賜存問其餘不能盡舉也

孝治志孺慕也

八章

大孝惟舜達孝惟武誰其參之曰我

聖祖瞻懷至德不分今古溯厥嗣統時問年尚少雖曰
守文事亦同締造神器克艱敬承有道克肖于天天眷
始深

先皇所未竟彌高且壬以此慰聖善聖善愜心慈雲瞳
矐孺慕融融一日三朝定省

兩宮綈衣之舞乃在九重四方玉食問膳已甘之時巡
所得驛進必兼之曰加飧矣斯樂且湛矣泣然念臣僚
亦懷毛裏胡驅馳疆場而墨衰非禮其令解官廣孝之

紀乃開明堂嚴父配天萬國懽心薦之豆籩陋彼石臺
書何足傳太歲在元枵甲子重遭曰有懷

先皇朕心鬱陶吁嗟孺慕萬古爲昭

康熙六十年臣下
請行慶典

曰是

皇考賓天之歲也其無慶前此
以四川提臣何傅之請特許武臣終喪

却貢志不貴異物也 七章

惟帝之初載西帥獻珍禽雕籠熠然貯以南金請懸彤
擗用表媚茲心珍禽能言兼之殊色以寫閒情未傷盛
德宮門聚觀曰百鳥之特

聖質不好弄得之自天底須師保加以防閑皇皇

明旨一何凜然諮爾虎臣巖疆所倚毘職在繕軍以消
烽燧朕不貴異物莫酌爾意百僚在列聞之驚愕鸞集
于廷鳳巢于閣共卜太平萬物其育漢文返馬史傳令
名晉武焚裘世曰矯情何如吾

皇得之妙齡是後諸臣工莫敢進奉國有常司地有常

貢六十餘年不啟淫壟

事在康熙二年其後大西洋國

來拒之則拂其意

其置之山林非尚之也

事見

御集于此見

上之整躬柔遠並行不悖

觀天志神算也

八章

哲后聰明得之天授洞幽察微靡所不究乃至奧學一空前後周髀宣夜自古紛然周公不作商高失傳遂令歷象仍世謬愆上國乏材求之海外蠖鏡僑夷自稱津逮高坐靈臺五官下拜間有學者思綜中西所見則是其力獲幾三歷同異孰窺藩籬

哲后曰吁朕足了之周商之學西人竊勦之假而不返莫探討之

古今鐘律聲韻之學宿儒多所未通

聖祖皆有獨得而歷其尤也爰持璣

衡籌算春容測圓割圓以次折衷二十八宿捫于朕胸則有布衣召對宣室所見與天同奏其著述益喜不孤

重黎歎絕布衣之老誰受遺書有孫茫然

哲后為吁朕其授汝即侍石渠

謂今吏部侍郎梅毅成也毅成未諳其祖交鼎

之學
南書房一授之
聖祖召入

尊經志聖學也 九章

昔漢諸宗石渠飭飭博士在列各有師承猶參緯侯擇焉未精唐之貞觀始作正義孔賈尸之釋文陸氏或嫌專門多所芟雜天水新學出于荆舒牽以字說附會有餘以致楊陳扞剝紛如降而大全采摭荒隘尊經不善適以滋害聖學興衰上關運會

聖皇在御奎婁降祥祖濂禰洛宗朱社張六經心得豈徒表揚乃簡侍臣大披甲部薈萃菁華爬梳錯互雖主宋儒所戒在固墨守既除諸家便便有所未決質之

帝前析疑糾繆其言粹然書成齋沐虔告北辰以示南

車正學所遵郢書放之燕說焚之皇皇四編兼車莫竟
其芒則寒其色斯正但留三禮以需

嗣聖

聖祖推崇朱子至矣而論
經間有不同者世宗亦然

視河志土功也

七章

誼僻愛斯民首諮溝洫河防在望時蒿其目支祈雖繁
疏淪恐未足由宋以來水道一變合淮于黃漕卒之便
所關在太倉以粒我畿甸載稽明史曰宋曰潘大小清
河實賴以安其誰嗣之春流秋汛念狂瀾

帝累南狩豈以事遊豫四瀆混三條職思其懼朕將荒
度纂禹之緒昔我有臣輔于茲宣勞三屨未泯祀以中
牢乃相度高下庶遏狂滔河臣瞿瞿凜遵

天語隄斯隄斯不濫不淤

帝頻臨之二十餘年慶安處沮洳父老感誦神功豈若

漢武帝負薪歌匆匆遂探禹穴以觀浙東

河臣張鵬翮也皆稟

聖訓得以有功詳見世宗所作聖德神功碑

久道志純也 八章

三百有一帝享國誰久長所虞歷年或以耄荒始終一德曰惟

仁皇謂六十年來憂勤如一日體元已久便安莫卽聞之尚書所其無逸謂始勤終替功或一簣虧鴻業所繫燕游可危菁華易竭莫過時而萎謂兢業依然不知老將至前途之計後世之寄耿耿此心明命是誕謂易遯六爻罔及大君乃知乘龍者焦勞沒身遺世息肩古所未聞 三章皆組 御製七詢 仰瞻橋山遺弓在望聖謨洋洋讀之增愴懸知精爽于昭陟降

綜覈志勅法也

八章

昭代鴻業三葉加隆

章皇定之

仁皇克之豐亨豫大天下攸同萌芽之生每于極盛敦
裕之餘漸亦爲病道在更弦因時立政張而不弛莫克
久持弛而不張馴至陵遲一張一弛文武之歸

秦陵曰都整我天憲虺潛蠹伏朕所畢見謂姑容之且
成魚爛監于前王亦豈有偏以殷之肅濟周之寬水火
互乘補救其間欺妄除矣奸宄息矣門戶苞苴漸以去
矣

泰陵曰俞宜加雨露矣惟辟作福惟辟作威威之所董
福卽隨之民亦有言吾今始知政之未協得易之震亦
既澄清有孚勿問

聖人陶陶援琴解慍

息兵志平戎也 九章

昔我

先朝興滅繼絕間有翦除仍容餘孽是以噶魯尚全其
姪定謂革心來享來王豈期易世又復鴟張擾我番藏
窺我甘涼

帝乃徂征用安邊鄙豈曰佳兵事非得已四十九臺防
秋所倚歸化之捷已褫胡魂桓桓額附爲我虎臣方需
後命次于北門諸將連章請犁胡寨冒頓可梟曩霄可
械勞師一紀芟除不害

帝心忽動胡亦吾民大舉且盡殊非同仁欲乘其蹙示

之自新前者奉天以討逆命今者樂天以宥反正朕無

成心其又奚病

事見

泰陵聖德神功碑

西酋乞附遂靖

狼煙陽關蕩蕩玉門平平胡馬不嘶飽芻而眠明年元
正胡使來賀舞干泱泱泥首謝過慙媿犬羊未知天大

置恪志典禮也 六章

三統之禮發自遺經以存三微其義最精况復前代系譜所敬承

聖祖晚歲燕居咄咄云明未置後大典有闕安得象賢朕心嘉悅惟十有三陵昌平在望彼宗支十萬夷于里巷毫社之靈誰爲主也

憲皇體此亟頒命圭咨爾禮臣選定宗枝

璽書寵錫故國之輝國有五等皆由勳閥禮所不臣孰與侯埒徵文徵獻尚無滅沒肅肅振鷺貞白乃襟侯其敬哉嘉命是欽以報天子以慰祖考心

科爾沁國諸王歸命篇

以下蕃部樂詞

有元之初盡平漠北以及西夏咸歸疆畫乃命宗王芽
區瓜疇分地駐帳頗擬列侯中原雖失諸蕃自如根蟠
葉布莫克翦除謂成吉思帝貽我世守我將窺上國以
規舊有文皇鑿此三出不辭究之土木其患猶滋嗣是
以還控弦列峙郭畢茫茫恣其虎噬

聖朝拓國肇基大東首先慕義執轡以從謂是真主願
輸死力四十九酋長叶于一德遂平遼瀋遂扈入關遂
盡東南遠屆八蠻沙漠無邊歸我戎索爰班命圭列于

封爵

帝曰休哉故國之遺孰如元大而皆我歸功在載書恩
差賜券永爲身甥以充屏翰

時巡篇

興安控北門諸蕃仰都府時聞我

官家輕行來避暑

地當四十八部
甌脫也

聖祖歲駐蹕焉

豈徒謀

避暑卽以當省方大渠聞

駕近踊躍爭來王巍巍天可汗不識狀何似于我爲丈
人敢忽牧圉事何以進行幄捐酒兼黃羊貴主親上酪
一一含笑嘗何以充潔供有花亦異姿其名長十八父
老乞

御詩何以奉土音勅勒歌嘹亮用取備騎吹其容良激
壯

詔命大合園遠祖古蒐苗和風護豹尾天亦爲之高莽
莽白龍堆牛羊漫川谷屬以夸富強卽此徵茂育暑退
擬回鑿諸蕃依戀多

天子曰往哉朕其再來過

來朝篇

荒服如近圻振古所未有每當來朝期分道入諸口

古北

口獨石口喜峰口張家口皆所必由

理藩有大卿早已命候人沿途置供

頓直至蘆溝濱

官家正崇儉不須諸方物元狐少爲貴黑貂或數襲

勅曰天潢中是多爾婚媾其應爲主人燕私昭親厚

勅曰勳侍中亦有爾種落其應尋宗盟相於互醅酢

朝宁觀威儀上林觀臺池太常奏諸樂以次觀百嬪有

時集郊關大閱陳我武方知禁軍雄有力盡如虎諸蕃

稽首去何幸見長安長安如日近祝

天子萬年

卷之六

七

三

大護法篇

諸蕃之俗黃教最尊活佛出世咳吐俱珍

天子從俗亦稱護法卽以化之勝殘去殺活佛有言天
降文殊爲我天子仁徧方隅嗟爾諸蕃爲國門戶尚其
一心如子事父由來文殊欲見則難豈期今日高坐九
關活佛有言昔我本師早知

大朝天命臨之于今果信相期千載長荷聲靈闡教薄
海興州之東招提嶙峋諸蕃誦經日以溥仁亦有彙宗
年年賜被諸蕃奉之風雨和會

溥仁乃諸蕃所建以祝
聖祖者彙宗乃

聖祖所建以
集諸蕃者

有善必錄達賴所以蒙褒嘉有罪必誅喇

藏所以殲第巴

按第巴即
譯巴也

活佛教忠用報

天子方知法王功在梵史

河套諸酋歸命篇

五原建置自主父秦漢因之成沃土三城卜築始韓公
唐世猶推保障雄五代以還稍割裂尚屬中原仗旄節
振武天德屬沙陀拓跋西分銀夏多有明堡東勝所得
故城三之一

乃西受降城地

俄而棄不守籌邊良以拙堂堂余

與王子時號虎臣乃祖葉盛言內徙榆林屯一朝棄地
二千里坐失巖疆禍之始搗巢搜套自此勞關中歲歲
成繹騷一從夏曾議被絀天險遂爲諸酋窟晚年畏插
稍復來歸命頗思報國其如大運已不競

李自成入榆林套酋思勤

王而不克

聖朝萬國正朝宗火飾吉囊俺荅孫子各從戎古祿王
長藩封六掌撒俱虔恭東征西討帖帖輸忠月給俸錢
與諸鎮同花馬池頭遊牧春容

套酋部落二十分爲
六掌撒猶言六營也

大佛牙曲 以下諸曲

大佛牙貯盤山沙門所珍重永以光禪關

天子聞之一軒渠朕不惑茲腐朽餘鍾離道上骨專車
子駟門外頭亦殊怪民本沴氣流傳則已誣在昔聞尼
父所重非眉須祇應持此夸侏儒緇維萬幾暇有時不
廢貝葉書閒情久已悟真如究之經世嫌虛無况茲荒
誕物譎張何足儲嗤彼唐主殆至愚鳳翔迎請同璠璣
謂堪獲福寧有諸

王言大扶聖教勒之三盤顛萬古足有曜

御製講
筵緒論有云

釋道之書皆嘗流覽深知其虛幻無益于政
治又云釋道生生理絕且使三才有時而窮

蔣山曲

神烈遺髯久寂寥，衛官老死衛尸彫。
曲阿王氣黯然消，衣冠縱出遊。
但有秋風號，頻聞降。

新詔羣牧無許來，山椒阿誰凶。
謬希溫韜賢太守，一劍

梟珠襦玉匣，幸不搖。

時有倡開煤之說者，意在窺陵也。太守林公惡而殺之，見蜀人李長

祥。豈期故國遺反容，豨突恣焚燒。
高皇嗔之跳而逃，己亥

海師至江寧陵木爲一空見魏禧集 中天

六馭至神光，迓旌旄盛德。斯撫謙旁行，九頓不憚勞。瞻

茲弓劒地，穹碑奎墨何。於昭謂是賢主，朕所豪三百年。

祚非浪邀，忍令薪木慙。蕭條咨史臣，漫以深文嘲。

熊相國進

所撰史于高皇有貶
詞 聖祖非之

中山感歎開平泣不獨秣陵父老

戒采樵吁嗟

聖德如天高

熱河湯泉曲

捺鉢消夏非徒然因之講武兼行邊苞符應運出醴泉
天心地靈一氣閒陰火陽冰互節宣日涼斯涼暄斯暄
太平元化徧八埏能令寒谷忘其寒何況

翻座所卽安金沙烝烝玉液漣漣以養和以蠲煩風生

雲護神周旋

熱河初築行宮
暖則佳俄而果暖異事也詳見

聖祖試泉謂更得少
御集

茲泉嘗絕塞疇昔戈甲紛聞闐清流如沸震不眠時平
中外爲一家遂成名蹟伴驪山華蓋臨之通層元

天王燕坐日浴德思深高誦湯盤篇

射虎曲

帝合圍發大黃應弦洞雕虎畢命中林旁六日殞三虎
屬夷相告昨神武昨西巡射虎川名錫晉土除民害豈
小補

帝曰嘻一夫之勇未足名偶然拾決朕不矜昔踐阼白
額洵洵挾儀行輔以豺狼當道橫吳耿鄭王俱猙獍朕
揮神臂一一廓清彼伏莽寧驚情惟夙志在好生五豕
五豨雖充盈所望騶虞爲休徵庶物慈諒歸和平六十
年竟化成馴虎來朝列四靈

海運曲

天家六府八政正豐亨箕風畢雨歲歲慶西成東國忽
告急平壤詣道來乞糴盛時一視還同仁不惜星帆下
析津太倉之粟正紅朽以拯阻飢亦何有古于海運世
有傳用防災禋謀未然有明末年亦及此崇明奏議登
舊史見明史沈廷揚傳是皆補救事匆匆豈若于今力及海外
之附庸丸都城下風無阻汎水梁水遼水程可數九樂
津口送歸櫓樂水見冊府元龜卽陳壽志中之梁口也誤音作過字實卽過字朝鮮王
椎牛祭父師

天子賜我明粢孫孫子子世世報鴻慈

永定河牖戶曲

桑乾七輪承天池比于朝那同神奇遠從太原出馬邑
雲代百谷胥歸之黃瓜阜北看夕照灑水來會何漣漪
飛狐關下清流好潛龍出浦稱祁夷笥溝東下合沽水
和會風雨環

帝畿湍流迅急良可畏苟壅而潰非所宜

國家定鼎在燕薊黃淮最爲漕運資桑乾密邈注都會
疏導能無勞

聖慈

先皇荒度功寤寐先河堤時分黃淮憂以奠桑乾基

六龍指示處足爲秦冰梁豹師河底貴深河身直斯言
千古無更移

永定河工

聖諭也

近郊已築柳埝險上流還置

石景祠

事見

世宗御集

斯民歲歲謝河神豈知

天子溝洫勤一陂一牖皆

皇仁

跳神曲

跳神東國俗不載舊禮經雖非祠部掌要亦關獻徵力
能消災沴道在凜神靈是以主壇者卜日眡事必竭誠
堂堂白虎君午夜來降庭一尊湯子酒釀比黃流清飛
石黑阿峯粢餌有佳名黏米糕也糝以豆粉蘸以蜜如
黃玉其名甚新見山陰楊賓柳
邊紀 女巫選宗婦距躍擊鼓兼振鈴餞餘期饗飲卽以
飽明馨禮自天子達亦復親割牲禮成還拜賜福胙大
充盈篤祐我官府餘澤遍及公孤卿每宮中跳神必召
三品以上大臣上
殿侍坐食肉食畢
賜幣賜果而退